

# 'Pupuk semangat sukarelawan'

Mahasiswa turun padang bentuk personaliti unggul: Tengku Abdullah

BY (National) Alhad 10/10/10 MS 6

Oleh Rosli Abdul Jalil  
edisimingga@bharian.com.my

**K**UANTAN: Canselor Universiti Malaysia Pahang (UMP), Tengku Abdullah Sultan Ahmad Shah, semalam menyaranakan institusi pengajian tinggi itu menjadikan semangat sukarelawan sebagai agenda utama yang perlu diperkasa bagi pembangunan potensi dan bakat mahasiswa universiti itu.

Titahnya, agenda sukarelawan yang direncana dengan cekap mampu memupuk nilai murni yang membentuk personaliti unggul seperti kepemimpinan, keperihatinan, kasih sayang, ta-waduk dan kesederhanaan.

"Tentu sekali, masyarakat akan hargai komitmen mahasiswa untuk turun ke lapangan bagi merasai sendiri denyut nadi pada peringkat akar umbi melalui pelbagai projek dan aktiviti. Komitmen beginilah yang menjadikan slogan 'mahasiswa jurnal rubicara masyarakat', " titahnya sempena Majlis Konvokesyen Ke-5 UMP di sini, semalam.

Tengku Abdullah turut mengucapkan tahniah kepada Menteri Besar, Datuk Seri Adnan Yaakob di atas pengurniaan Ijazah Kehormat Doktor Falsafah (Pengurusan Teknologi) sempena konvokesyen kali ini.

Naib Canselor UMP, Profesor Datuk Dr Daing Nasir Ibrahim berkata, penganugerahan ijazah kehormat itu adalah pengiktirafan terha-



TENGKU Abdullah bertanya sesuatu kepada penerima anugerah cemerlang pada Majlis Konvokesyen ke-5 UMP di Gambang, semalam.

dap usaha Adnan meletakkan Pahang sebagai sebuah negeri maju dan makmur.

Adnan menyifatkan penghargaan itu bukan untuk dirinya saja sebaliknya kepada semua Ahli Majlis Mesyuarat Negeri, Ahli Dewan undangan Negeri (ADUN), ketua, pegawai dan kakitangan jabatan dan agensi kerajaan yang terbabit dalam pelaksanaan pelan pembangunan di Pahang.

"Pengurniaan ijazah kehormat ini adalah satu penghormatan yang amat tinggi

**"Masyarakat akan hargai komitmen mahasiswa untuk turun ke lapangan bagi merasai sendiri denyut nadi pada peringkat akar umbi melalui pelbagai projek dan aktiviti"**

**Tengku Abdullah Sultan Ahmad Shah**  
Canselor UMP

nilainya dan akan dikenang dengan penuh kesyukuran dan keinsafan sepanjang hayat," katanya.

Seramai 1,030 pelajar UMP menerima ijazah dan diploma masing-masing pada majlis konvokesyen kali ini termasuk lapan pelajar menerima ijazah sarjana, 834 ijazah sarjana muda dan 196 (Diploma). Graduan Sarjana Muda Kejuruteraan Kimia, Bahrun Mohd Shakir, 23, dan Lim Jo Ann, 23, diumum sebagai penerima Anugerah Pelajaran Diraja, iaitu Pingat

Jaya Cemerlang.

UMP turut melahirkan graduan sulung Ijazah Doktor Falsafah (Pengurusan Teknologi), iaitu Mohd Ghani Awang, 54 tahun.

Buat pertama kalinya, program kerjasama Pusat Pengajian Profesional & Pengajian Berterusan dengan Hicom Automotive Manufacturers (Malaysia) Sdn Bhd melahirkan 24 graduan Diploma Eksekutif Pengurusan Teknologi Industri dari Fakulti Kejuruteraan Pembuatan & Pengurusan Teknologi.